

青州府志卷五十四

傳六上

雜傳一

昔康武功作官師之志循良幽貞汚並著而不及民馬仲
韜安邱縣志有侃德傳而不取史君子皆病其偏至而空
滄溟青州舊志惟輯崔杼慶封事爲外傳秦漢後不一及
抑又何哉今依五代史雜傳例彙諸史酷吏佞倖藩鎮叛
逆諸傳爲雜傳凡若干人分爲二卷晉之王猛南北朝之
王鎮惡孟懷玉孟顛任昉伏曼容唐之張允濟崔信明五
代之顏衍夏魯奇石昂劉審交翟光鄴衛融蘇禹珪郭無

青州府志卷五十四

爲宋之許仲宣趙挺之其人雖雜而不純要亦皆有可取
列之上卷亦所以表之也主父偃漢人史記本與公孫閱
同傳而編入是傳者身爲齊相以納女之謀不遂暴齊王
過惡迫之死地非臣道也周紆東漢人本在酷吏傳舊志
刪其殺無辜匿赦書之罪而以善爲條教附名宦中豈太
公誅潘陟官仲誅史附里之旨哉他如紀逡王璜張步夏
長思孫禮焦和田豫程喜王浚馮統荀晞孫旂王彌段龕
徐紇沈文秀裴粲孫季伏知命張威燕榮劉蘭李正巳諸
葛爽王敬武楊光遠荀習房知溫劉銖趙匡王文統周訥
或係本藉或係仕宦列之下卷殆亦戒惡垂鑒之意歟自

漢及明而止者亦班史九等人物不及本代之列也

晉

王猛字景略北海劇人也家於魏郡瓌姿偉博學好兵書少游於鄴都時人罕能識也惟徐統見而奇之召爲功曹遁而不應遂隱於華陰山桓溫入關猛被褐而詣之一面談當世之事捫盃而言旁若無人溫察而異之賜猛車馬拜高官督護請與俱南猛還山諮師師曰卿與桓溫豈並世哉在此自可富貴何爲遠乎猛乃止苻堅將有大志聞猛名遣呂婆樓招之一見便若平生語及廢興大事異符同契若元德之遇孔明也及堅僭位以猛爲中書侍郎

青州府志卷五十四

二

遷尙書令太子太傅加散騎常侍俄入爲丞相中書監尙書令太子太傅司隸校尉持節常侍將軍侯如故稍加都督中外諸軍事猛性剛明清肅於善惡尤分微時一餐之惠睚眦之忿靡不報焉時論然以此少之其年寢疾堅親祈南北郊宗廟社稷分遣侍臣禱河嶽諸祀靡不周備猛疾未瘳乃大赦其境內殊死已下猛疾甚因上疏謝恩並言時政多所宏益堅攬之流涕悲動左右及疾篤堅親臨省病問以後事猛曰晉雖僻陋吳越乃正朔相承親仁善鄰國之寶也臣沒之後願不以晉爲圖鮮卑羌虜我之仇也終爲人患宜漸除之以便司稷言終而死謚曰武侯

晉書

南北朝

王鎮惡北海劇人也祖恭父休鎮惡以五月生家人以俗忌欲令出繼疎宗猛曰此非常兒昔孟嘗君惡月生而相齊是兒亦將興吾門矣故名爲鎮惡年十三而苻氏敗寓食匭池人李方家後隨叔父曜歸晉宋武帝代廣固鎮惡時爲天門郡臨澧令武帝召與語異焉卽以署前部武帝謀討劉毅鎮惡曰公若有事西楚請給百舸爲前驅及西討轉鎮惡參軍事使率龍驤將軍蒯恩百舸前發鎮惡受命便晝夜兼行江陵平後二十日大軍方至以功封漢壽

青州府志卷五十四

縣子及武帝北伐爲鎮西諮議行龍驤將軍領前鋒鎮惡入賊境戰無不捷破虎牢及柏谷塢進次匭池造故人李方家升堂見母厚加酬賚卽授方匭池令武帝至湖城鎮惡請率水軍自河入渭直至渭橋旣至乃身先士卒卽陷長安城於灞上奉迎武帝帝留第二子桂陽公義真鎮長安鎮惡以征虜將軍領安西司馬馮翊太守委以扞禦之任及太軍東還赫連勃勃逼北地義真遣中兵參軍沈田子拒之田子退屯劉因宋書作同堡遣使還報鎮惡鎮惡對田子使謂安西長史王修曰公以十歲兒付吾等當共思竭力今擁兵不進賊何由得平使反言之田子甚懼時鎮惡

師於涇上與田子俱會傅宏之與田子求屏人因斬之幕下是歲義熙十四年正月十五日也追贈左將軍青州刺

史南史本傳

孟懷玉平昌安邱人也高祖珩晉河南尹祖淵右光祿大夫父綽義旗後爲給事中光祿勳追贈金紫光祿大夫世居京口高祖東伐孫恩以懷玉爲建武司馬豫義旗從平京城進定京邑以功封鄱陽縣侯食邑千戶高祖鎮京口以懷玉爲鎮軍參軍下邳太守義熙三年出爲甯朔將軍西陽太守新蔡內史除中書侍郎轉輔國將軍領丹陽府兵戍石頭盧循逼京邑懷玉於石頭岸連戰有功爲中軍

青州府志卷五十四

四

咨議參軍循平又封陽豐縣男食邑二百五十戶復爲太尉咨議參軍征虜將軍八年遷江州刺史尋督江州豫州之西陽新蔡汝南潁川司州之松滋六郡諸軍事南中郎將刺史如故十一年加持節丁父艱懷玉有孝性因抱篤疾上表陳解不許又自陳弟仙客出繼喪主惟已乃見聽未去任其年卒於官時年三十一追贈平南將軍子元卒無子國除懷玉別封陽豐男子慧熙嗣坐廢祭祀奪爵慧熙已宗嗣竟陵太守中大夫龍符懷玉弟也驍果有膽氣幹力絕人少好游俠結客於閭里早爲高祖所知既克京城以龍符爲建武參軍江乘羅落覆舟三戰並有功參鎮

軍軍事封平昌縣五等子加甯遠將軍淮陵太守與劉藩
向彌征桓歆桓石康破斬之除建威將軍東海太守索虜
斛蘭索度真侵邊彭沛騷擾高祖遣龍符建威將軍道憐
北討一戰破之追斛蘭二光水溝邊被創奔走高祖伐廣
固以龍符爲車騎將軍加龍驤將軍廣川太守統步騎爲
前鋒軍達臨朐與賊爭水龍符單騎衝突應手破散卽據
水源賊遂退走龍符乘勝奔逐後騎不及賊數千騎圍繞
攻之龍符奮稍接戰每一合輒殺數人衆寡不敵遂見害
時年三十三贈青州刺史追封臨沅縣男食邑五百戶無
子弟仙客以子微生嗣封太祖元嘉中有辜奪爵徙廣州

青州府志卷五十四

五

以微生弟彥祖子佛護襲爵齊受禪國除孝武大明初諸
流徙者悉聽還時微生已死子係祖歸京都入隸羽林爲
殿中將軍二年索虜寇青冀世祖遣軍援之係祖自占求
行戰於杜梁挺身入陳所殺狼籍遂見殺詔書追贈潁州

鄆太守 宋書本傳

孟顓字彥重平昌人父馥晉末爲中護軍顓仕宋爲會稽
太守事佛精懇而爲謝靈運所輕嘗謂顓曰得道應須慧
業文人生天當在靈運前成佛必在靈運後顓深恨此言
會稽東郭有回踵湖靈運求決以爲田太祖令州郡履行
此湖去郭近水物所出百姓惜之顓堅執不與靈運旣不

得回踵又求始爾吐嶠湖也田顛又固執靈運謂顛非存
利民正慮決湖多害生倫論傷之與顛遂構讐隙顛累
為尙書左僕射卒贈左光祿大夫

以文帝本紀及
謝靈運傳修

任昉字彥昇樂安博昌人也父遙齊中散大夫遙兄遐字
景遠少敦學業家行甚謹位御史中丞金紫光祿大夫始
興永明中遐以罪將徙荒裔遙懷名請訴言淚交下齊武
帝聞而哀之竟得免遙妻河東裴氏嘗晝臥夢有五色采
旗蓋四角懸鈴自天而墜其一鈴落入懷中心悸因而有
娠占者曰必生才子及生昉身長七尺五寸幼而聰敏早
稱神悟年十二從叔晷有知人之量見而稱其小名曰阿

青州府志卷五十四

六

堆吾家千里駒也昉孝友純至初為奉朝請舉兗州秀才
拜太學博士永明初衛將軍王儉領丹陽尹引為主簿儉
每見其文必三復殷勤以為當時無輩後為司徒竟陵王
記室參軍以父喪去官泣血三年杖而後起遭繼母憂昉
先以毀瘠每一痛絕良久乃蘇因盧於墓側以終喪禮哭
泣之地草為不生服闋除太子步兵校尉掌東宮書記齊
明帝廢鬱林王始為侍中中書監驃騎大將軍開府儀同
三司揚州刺史錄尙書事封宣城郡公使昉具章帝惡其
辭斥甚愠昉昉用是終建武中位不過列校昉尤長載筆
頗慕傅亮才思無窮當時王公表奏無不請焉昉起草即

成不加黜竄沈約一代儔宗深所推挹永元末爲司徒右
長史梁武帝尅建鄴霸府初開以爲驟騎記室參軍專主
文翰每制書草沈約輒求同署嘗日被急召防出而約在是
後文筆約參製焉始梁武與防遊竟陵王西邸從容謂防
曰我登三府當以卿爲記室防亦戲帝曰我若登三事當
以卿爲騎兵以帝善騎也至是引防符昔言焉梁臺建禪
讓文誥多防所具武帝踐祚歷給事黃門侍郎吏部郎出
爲宜興太守在郡所得公田奉秩八百餘石防五分督一
餘者悉原見妾食麥而已友入彭城到漑漑弟洽從防共
爲山澤游及被代登舟止有絹七匹米五石至都無衣鎮

青州府志卷五十四

七

軍將軍沈約遣裙衫迎之重除吏部郎參掌大選居職不
稱尋轉御史中丞祕書監自齊永元以來祕閣四部篇卷
分雜妨手自讐校由是篇目定焉出爲新安太守在郡不
事邊幅率然曳杖徒行邑郭人通辭訟者就路決焉爲政
清省吏人便之卒於官惟有桃花米二十石無以爲斂遺
言不許以新安一物還都雜木爲棺浣衣爲斂闔境痛惜
百姓共立祠堂於城南歲時祠之武帝聞問方食西苑綠
沈瓜投之於盤卽日舉哀哭之甚慟追贈太常諡曰敬子
防博學於書無所不見家雖貧聚書至萬餘卷率多異本
及卒後武帝使學士賀縱共沈約勘其書目官無者就其

家取之所著文章數十萬言盛行於時撰雜傳二百四十七卷地記二百五十二卷文章三十三卷子東里位尙書

外兵郎 南史本傳

伏曼容字公儀平昌安瑯人晉著作郎潛之曾孫也父允之宋司空主簿曼容早孤與母兄客居南海少篤學善老易聚徒教授以自業為驃騎行參軍宋明帝好周易嘗集朝臣於清暑殿講詔曼容執經曼容素美風采明帝恒以方嵇叔夜使吳人陸探微畫叔夜像以賜之為尙書外兵郎嘗與袁粲罷朝相會言元理時論以為一臺二絕昇明末為輔國長史南海太守齊建元中上書勸封禪高帝以

青州府志卷五十四

八

為其禮難備不從仕為太子率更令侍皇太子講衛將軍王儉深相愛好令與河內司馬憲吳郡陸澄共撰喪服遺竟又欲與定禮樂會儉薨建武中拜中散大夫梁臺建召拜司徒司馬出為臨海太守天監元年卒官子暉字元曜幼傳父業與樂安任昉彭城劉曼俱知名仕齊位東陽郡丞鄞令時曼容已致仕故頻以外職處暉令得養焉梁武帝踐祚兼五經博士與吏部尙書徐勉中書侍郎周捨總知五禮事出為永陽內史在郡清潔政務安靜徙新安太守在郡清恪如永陽時屬縣始新遂安海甯並同時生為立祠徵為國子博士領長水校尉時始與內史何遠累著

清續武帝擢爲黃門侍郎俄遷信武將軍監吳郡事雖自以名輩素在憲前爲吏俱稱廉白之累見擢雖循階而已意望不滿多託疾居家尋求假到武陽迎妹喪因留會稽築宅自表解職詔以爲豫章內史乃出拜徵爲給事黃門侍郎領國子博士未赴卒子挺字士標幼敏悟七歲通孝經論語及長博學有才思爲五言詩善效謝康樂體交友樂安任昉深相歎異常曰此子日下無雙齊末州舉秀才策爲當時第一梁武帝師至挺迎謁於新林帝見之甚悅引爲征東行參軍天監初除中軍參軍事居宅在潮溝於宅講論語聽者傾朝累爲晉陵武康令罷縣還不復仕挺

青州府志卷五十四

九

少有盛名不能从事隱靜後遂出仕除南臺書侍御史因事納賄被劾懼罪乃變服出家名僧挺久之遇赦乃出大心寺會邵陵王爲江州搆挺之鎮王好文義深被恩禮因此還俗侯景亂中卒著邇說十卷文集二十卷

南史本傳

唐

張允濟青州北海人仕隋爲武陽令以愛利爲行元武民以牸牛依婦家者久之孳十餘犢將歸而婦家不與牛民訴縣縣不能決乃詣允濟允濟因令左右縛民蒙其首過婦家云捕盜牛者命盡出民家牛質所來婦家不知遽曰此婿家牛我無豫卽遣左右撤蒙曰可以此牛還婿婦家

叩頭服罪元武吏大慙允濟過道傍有姥廬守所蔭葱因
教曰第還舍脫有盜當告令姥謝歸俄大亡葱允濟召十
里內男女盡至物色驗之果得盜者有行人夜發遺袍道
中行十餘里乃寤人曰吾境未嘗拾遺可還取之既而得
袍舉政尤異遷高陽郡丞郡缺太守獨統郡事吏下畏悅
賊帥王須拔攻郡於是糧屈吏食槐葉藁節無叛者貞觀
初累遷刑部侍郎封武城縣男擢幽州刺史卒

新唐書循吏本傳

崔信明青州益都人高祖光伯仕後魏爲七兵尙書信明
之生五月五日日方中有異雀鳴集庭樹太史令史良爲
占曰五月爲火火主離離爲文日中文之盛也雀五色而

青州府志卷五十四

十

鳴此兒將以文顯然雀類微位殆不高邪及長彊記美文
章鄉人高孝基嘗語人曰崔生才富爲一時冠但恨位不
到耳隋大業中爲堯城令竇建德僭號而信明族弟敬素
者爲賊鴻臚卿自謂得意語信明日夏王英武有舉天下
心士女襁負而至不可數兄不以此時立功立事豈所謂
見幾不俟終日乎荅曰昔申胥海隅釣師能固其節爾欲
吾屈身賊中求斗筲邪遂踰城去隱太行山貞觀六年有
詔卽家拜興勢丞遷秦川令卒于冬口武后時爲黃門侍
郎爲酷吏誣死

新唐書文藝本傳

五代

顏衍字祖德兗州曲阜人梁末帝龍德中擢第解褐授北海主簿以治行聞

宋史本傳

夏魯奇字邦傑青州人也唐莊宗時賜姓名曰李紹奇其後莊宗賜姓名者皆復其故魯奇初事梁為宣武軍校後奔於晉為衛護指揮使從周德威攻劉守光於幽州守光將單廷珪元行欽以驍勇自負魯奇每與二將鬪輒不能解兩軍皆釋兵而觀之晉已下魏博梁將劉鄩軍於洹水莊宗以百騎覘敵遇鄩伏兵圍之數重幾不得脫魯奇力戰手殺百餘人身被二十餘創與莊宗決圍而出莊宗益奇之以為磁州刺史從戰中都擒王彥章莊宗壯之賜絹

青州府志卷五十四

十二

千正拜鄭州防禦使遷河陽節度使為政有惠愛徙鎮忠武河陽之人遮留不得行父老詣京師乞留明宗遣中使往諭之魯奇乃得去唐師伐荆南以魯奇為招討副使無功而還徙鎮武信東川董璋反攻遂州魯奇閉城拒之旬月救兵不至城中食盡魯奇自刎死

五代史死事本傳

石昂青州臨淄人也家有書數千卷喜延四方之士士無遠近多就昂學問食其門下者或累歲昂未嘗有怠色而昂不求仕進節度使苻習高其行召以為臨淄令習入朝京師監軍楊彥朗知留後事昂以公事至府上謁贊者以彥朗諱石更其姓曰石昂趨於庭仰責彥朗曰內侍奈何

以私害公昂姓石非右也彥則大怒拂衣起去昂即趨出解官還於家語其子曰吾本不欲仕亂世果爲刑人所辱子孫其以我爲戒昂父亦好學平生不喜佛說父死昂於柩前誦尙書曰此吾先人之所欲聞也禁其家不可以佛事汚吾先人晉高祖時詔天下求孝悌之士戶部尙書王權宗正卿石光贊國子祭酒田敏兵部侍郎王延等相與詣東上閤門上昂行義可以應詔詔昂至京師召見便殿以爲宗正丞遷少卿出帝卽位晉政日壞昂數上疏極諫不聽乃稱疾東歸以壽終於家昂旣去而晉室大亂五代史一

行本傳

青州府志卷五十四

十三

劉審交字求益幽州文安人也晉高祖時遷右衛上將軍

陳州防禦使徙襄州又徙青州皆有善政五代史雜傳本傳

翟光鄰字化基濮州鄆城人也晉高祖時爲青州防禦使

招集兵民甚有恩意五代史雜傳本傳

衛融字明遠青州博興人晉天福初舉進士調南樂主簿

厯齊瀆二州從事忠武軍掌書記漢初爲太原觀察支使

劉崇稱帝授中書侍郎平章事太祖立李筠據上黨遣使

降劉鈞鈞自將兵至太平驛與筠會遣宣徽使盧贊入潞

州監筠軍贊與筠不協鈞遣融和解之會筠敗融被擒太

祖責之曰汝何故勸劉鈞舉兵助李筠反耶融曰犬吠非

其主臣四十口受劉氏豐衣美食不忍負之陛下縱不殺臣臣亦不爲陛下用終當開道走而東爾太祖怒命左右以鐵搗擊其首曳出將戮之融大呼曰大丈夫死或重於泰山或輕於鴻毛今之死正得其所爾太祖聞之曰此忠臣也遽命釋之召坐御前以良藥敷其創賜襲衣金帶靴勒馬旣而欲放融歸令融先爲書諭鈞言俟周光遠等歸朝卽遣融去鈞得書久無報乃投融太府卿賜第京城乾德初郊祀融獻郊禋大禮賦改司農卿出知陳舒黃三州開寶六年卒年六十九子偁傳孫齊並進士及第

宋史北漢世家

附傳

青州府志卷五十四

三

蘇禹珪諸城人漢高祖時由觀察推官擢中書侍郎同中書門下平章事與蘇逢吉並相除吏多違舊制謗者謹謹然高祖方倚信之莫有敢言者隱帝立賜玉帶加左僕射封莒國公及楊邠相禹珪失權惟備位而已周兵入京師禹珪與竇貞固勸進復爲相廣順元年罷

以五代史漢臣蘇逢吉傳修

郭無爲青州千乘人少博學有辭辯爲道士隱武當山漢乾祐中周祖征河中無爲杖策謁於軍門周祖一見大奇之將留館門下左右曰無爲縱橫家流今公握重兵不宜親之無爲遂拂衣去隱太原抱腹山會劉鈞將兵授李筠將發太原其大臣趙華諫曰鈞舉動輕易今起兵應之未

見其可釣怒不顧遂行及筠敗釣狼狽而歸由是重文舉之士宋師至頗求有智謀者與之計事段常薦無爲於釣釣以諫議大夫召之及至與語大悅尋遷吏部侍郎參議中書事與趙文度同議以爲不可納釣乃出文度知汾州俄誅段常遂以無爲爲左僕射平章事兼樞密使機務一以委之釣嘗病與無爲語及後事謂其子繼恩不才無爲亦言其然繼恩旣立知其事故欲誅無爲長懼不能決月餘侯霸榮弒繼恩無爲使人殺霸榮并人疑無爲初投意於霸榮後殺之以滅口也繼元立太祖遣李繼勳等討之仍詔許繼元以青州節度無爲刑州節度無爲得詔色動一

青州府志卷五十四

十四

日繼元宴羣臣契丹使亦在焉無爲慟哭於庭曰今日以空城抗大軍計將安出引佩刀欲自刺繼元遽降階持其手引無爲升坐蓋無爲欲以動衆心也及太祖親征長圍旣合無爲請自將兵夜出擊圍欲自拔來歸值天陰晦而止闔人衛德貴告其事會太祖壅汾水浸城城中人情大懼繼元乃殺無爲以徇

宋史北漢世家附傳

宋

許仲宣字希榮青州人漢乾祐中登進士第時年十八周顯德初解褐授濟陰主簿考功員外郎張乂薦爲淄州團練判官宋初赴謁引對便殿仲宣氣貌雄偉太祖悅之擢

授太子中允受詔知北海軍仲宣度其山川形勢地理廣
袤可以爲州郡因畫圖上之遂升爲濰州開寶四年知荆
南轉運事及征江南又兼兩面隨軍轉運事兵數十萬供
饋無闕南唐平拜刑部郎中召升殿獎諭賜緋九年詔知
永興軍府事太宗嗣位遷兵部郎中驛召赴闕賜金紫授
西川轉運使屬西南夷寇鈔邊境仲宣親至大度河諭以
逆順示以威福夷人率服改廣南轉運使會征交州其地
炎瘴士卒死者十二三大將孫全興等失律仲宣因奏罷
其兵不待報卽以兵分屯諸州開庫賞賜草檄書以諭交
州交州卽送款內附遣使修貢仲宣復上章待罪帝嘉之

青州府志卷五十四

五

太平興國六年遷吏部郎中雍熙四年出知廣州未上移
知江陵府俄改河南府端拱中遷給事中淳化元年卒子
待用至國子博士待同再舉及第至殿中丞待旦至比部
員外郎待用子巨源亦登進士第

宋史本傳

趙挺之字正夫密州諸城人進士上第熙甯建學選教授
登棣二州通判德州哲宗卽位賜士卒緡錢郡守貪毫不
時給卒怒謀持白挺突入府守趨避左右盡走挺之坐堂
上呼問狀立廢庫錢而治其爲首者衆卽定魏境河屢決
議者欲徙宗城縣轉運使檄挺之往視挺之云縣距高原
千歲矣水未嘗犯今所遷不如舊必爲民害使者卒徙之

才二年河果壞新城漂居民略盡召試館職爲祕閣校理
遷監察御史徽宗立爲禮部侍郎拜御史中丞爲欽聖后
陵儀仗使曾布以使事聯職知禁中密指諭使建議紹述
於是挺之排擊元祐諸人不遺力由吏部尙書拜右丞進
左丞中書門下侍郎時蔡京獨相帝謀置右輔京力薦挺
之遂拜尙書右僕射既相與京爭雄屢陳其姦惡且請去
位避之以觀文殿大學士中太一宮使留京師乞歸青州
將入辭會彗星見帝默思咎徵盡除京諸蠹法罷京召見
挺之曰京所爲一如卿言加挺之特進仍爲右僕射已而
京復相挺之仍以大學士使佑神觀未幾卒諡曰清憲

宋史

本傳